





Imandar ti *Monetary Board (MB)* ti Bangko Sentral ng Pilipinas (BSP) ti pannakaserra ti bangko nu maduktalan a ti nasao a bangko ket nagpakaammo iti panagserra na iti kabukbukudan na a wagas, wenno saanen a nanglukat iti uneg ti 60 nga aldaw, wenno nagsardeng nga agparuar kadagiti deposito, wenno saanen a makabayad ti utang na gapu ta saanen nga umanay ti sanikua na a mangbayad kadagiti rebbrebengen na, wenno saanen a makapagtuloy iti negosyo a di na maliklikan a mapukawan dagiti depositor wenno kreditor na, wenno igagara na ti aglabsing iti *final cease-and-desist order* kas ipasimudaag dagiti aramid a panangallilaw wenno panangdadael kadagiti sanikua (*Section 30 ti New Central Bank Act/Republic Act No. 7653*).

Nu mapasamak daytoy, ti bangko ket maiyallawat iti *Philippine Deposit Insurance Corporation (PDIC)*, ket ibaon ti MB ti panangtagikua ti PDIC tapno maisayangkat ti pannakalikidar ti bangko.

Kas mangallawat, ungguren ti PDIC ti operasyon ti naiserra a bangko, agraman ti imbentaryo ken pannakatingiting dagiti rekord, ket mapanggep ti pannakaaited ti *claims* dagiti depositor para iti *deposit insurance*; ken *claims* dagiti *uninsured* a depositor ken kreditor iti pannakabagi da iti sanikua ti nagserra a bangko.

Ti **Philippine Deposit Insurance Corporation (PDIC)** ket ganuat ti gobyerno a pinarsua ti Kongreso babaen iti *Republic Act No. 3591* idi maika-22 iti Hunio 1963 tapno masalakniban dagiti depositor ken maitandudo ti pinansial a kinatalged.

Ti PDIC ket *state deposit insurer*. Salakniban na dagiti depositor babaen iti pannakaipaay ti *deposit insurance* para kadagiti amin nga *insured* a deposito kadagiti bangko ti Pilipinas.

Ti PDIC ket isu pay ti pinusgan ti linteg a mangallawat kadagiti bangko nga impasserra ti *Monetary Board* ti Bangko Sentral ng Pilipinas.

Tapno maipatungpal dagitoy a bilin, imahenar ti PDIC ti pannakailako kadagiti sanikua, dagiti rekord, ken ar-aramid ti nagserra a bangko tapno mabayadan ti *claim* dagiti kreditor a kas maiyannurot ti *Rules of Preference and Concurrence of Credits* ti *Civil Code of the Philippines*.

Philippine Deposit Insurance Corporation
PDIC Chino Bldg., 2228 Chino Roces Avenue
Makati City 1231

Hotline: (02) 8841-4141 (Para kadagiti awag iti Metro Manila)
Toll-free: 1-800-1-888-PDIC or 1-800-1-888-7342
(Para kadagiti awag iti luar ti Metro Manila)

Website: www.pdic.gov.ph
Facebook: www.facebook.com/OfficialPDIC
X (dati a Twitter): [@OfficialPDIC](https://twitter.com/OfficialPDIC)
YouTube: www.youtube.com/@PDICOfficial

Panangidatag ti Panangtunton ti Bingay Kadagiti Sanikua ti Nagserra a Bangko

Tarabay kadagiti kreditor ken depositor nga addaan ti uninsured a deposito iti nagserra a bangko



© 2023

ASINNO TI MAIBILANG A KREDITOR TI NAGSERRA A BANGKO?

Ti kreditor ket siaosinoman a tao, negosyo, wENNO organisasyon nga addaan ti karbengan a mangtunton ti bingay na kadagiti sanikua ti nagserra a bangko. Maibilang pay a kreditor dagiti depositor nga addaan ti deposito nga adadu ngem iti *Maximum Deposit Insurance Coverage (MDIC)* a P500,000.

Ti *Creditors' Claim* ket panangtunton ti bingay manipud kadagiti nabatbati a sanikua ti nagserra a bangko. Dagitoy ket mabayadan manipud kadagiti maurnong a masapul iti panaglikidar ti PDIC.

KAANO TI RUMBENG A PANANGIDATAG DAGITI KREDITOR ITI CLAIM DA KADAGITI SANIKUA TI NAGSERRA A BANGKO?

Masapul nga idatag ti panangtunton ti bingay kadagiti sanikua ti nagserra a bangko iti uneg ti sisenta (60) nga aldaw manipud iti petsa ti panangipablaak ti PDIC ti *Notice of Closure*.

Dagiti maidatag a *claim* a lumabes iti naikeddeng a patingga ket saanen a maawat. Idatag ngarud dagiti kreditor ken depositor nga addaan ti *uninsured* a deposito ti *claim* da iti *liquidation courts* a napusgan para iti pannakalikidar ti nagserra a bangko.

ANIA DAGITI ADDANG ITI PANAGIDATAG TI CREDITORS' CLAIM?

1. Isagana dagiti kasapulan a dokumento

- a. Sungbatan a naimbag ti *Creditors' Claim Form* a maala idia ayan ti nagserra a bangko wENNO iti PDIC website bit.ly/PDICCreditorsClaim



- b. Photocopy ti umiso nga ID

- c. Kopya ti *Secretary's Certificate* a mangipalpalubos iti mangibagi nga agidatag ti *claim* (para laeng kadagiti *corporate claimants*)

- d. Pammaneknek ti deposito kas iti *passbook*, saan a nausar a tseke, *Certificate of Time Deposit*, *ATM Card* (para laeng kadagiti depositor nga addan ti *uninsured* a deposito)

- e. Dagiti *photocopy* ti kontrata a makapaneknek iti karbengan a mangtunton ti bingay kas iti, ngem saan laeng a:
- i. *Purchase order*
 - ii. *Delivery receipt*
 - iii. *Sales invoice*
 - iv. *Official receipt* (para iti parsyal a panagbayad wENNO pauna a bayad)

2. Idatag ti Claim

- a. Personal - Idatag dagiti dokumento kadagiti pannakabagi ti PDIC nga adda iti lugar ti nagserra a bangko kabayatan ti *takeover operations* wENNO iti PDIC Public Assistance Center iti Ground Floor, PDIC Chino Bldg., 2228 Chino Roces Avenue, Makati City nu nalpasen ti *takeover operations*.

- b. Babaen iti Panangibuson wENNO Koreo - Ipatulod ti nasungbatanen a *Claim Form* karagpin dagiti dadduma pay a kasapulan a dokumento idia:

Public Assistance Department
Philippine Deposit Insurance Corporation
PDIC Chino Bldg., 2228 Chino Roces Avenue,
Makati City 1231

- c. Babaen iti *E-mail* - Ipatulod ti nalawag nga *scanned copy* wENNO ladawan ti notaryado a *Claim Form* ken dadduma pay a kasapulan a dokumento idia pad@pdic.gov.ph.



KASANO A SURNADAN DAGITI KREDITOR TI INDATAGDA A CLAIM?

1. Babaen iti Telepono:

- a. Public Assistance Hotline:
(02) 8841-4141 (Para kadagiti awag iti Metro Manila)
- b. Toll Free:
1-800-1-888-7342 or
1-800-1-888-PDIC
(Para kadagiti awag iti ruar ti Metro Manila)

2. Babaen iti E-mail:

pad@pdic.gov.ph

3. Idia PDIC Public Assistance Center:

Ground Floor, PDIC Chino Bldg.,
2228 Chino Roces Avenue, Makati City

Nu agsurnad kadagiti *Creditors' Claim*, siguraduen a nakasagana ti nagan ti nagserra a bangko, nagan ti kreditor wENNO *uninsured* a depositor, ken *claim number*. Kadagiti *uninsured* a depositor, isagana ti *account number* ti deposito.

Dagiti depositor nga addaan ti balanse a nasursurok ngem iti MDIC a nakaidatag iti *deposit insurance claims* iti uneg ti 60 nga aldaw manipud iti petsa a naipablaak ti *Notice to Creditors* ket maipagarup a naidatag dan ti *claims* kadagiti sanikua ti nagserra a bangko.

Ti pannakabayad ti *Creditors' Claim* ket maibatay iti *Rules of Preference and Concurrence of Credits* ti *Civil Code of the Philippines*, kasta met ti panangannamong ti napusgan a *liquidation court* ti *Asset Distribution Plan* ti nagserra a bangko.

